

中國第一歷史檔案館藏

清代起居注冊

康熙朝

中華書局

康熙二十四年九月至二十五年二月

清代起居注册·康熙朝

第一九册

 中華書局

目錄

康熙二十四年九月	九〇七三
康熙二十四年十月	九一九七
康熙二十四年十一月	九三二三
康熙二十四年十二月	九四四三
康熙二十五年正月	九五三三
康熙二十五年二月	九五八五

康熙二十四年乙丑九月初一日戊午

上在青城關

太皇太后違和即啟行星馳來京

初二日己未午時

上由東直門進神武門詣

太皇太后宮問安久之詣

皇太后宮問安申時復詣

太皇太后宮問安回

宮酉時復詣

太皇太后宮問安

扈從

起居注官常書朱馬恭

初三日庚申早

上詣

太皇太后宮問安巳時

上復詣

太皇太后

皇太后宮問安酉時

上復詣

太皇太后宮問安

本日

起居注官鄔黑喬某

初四日辛酉早

上詣

太皇太后宮問安辰時

御乾清門聽政部院各衙門官員面奏畢大學士覺羅勒德洪明珠王熙吳正治宋德宜學士麻爾圖圖納席爾達吳興祖牛鈕王起元

丹代禪布徐乾學韓莢以折本請

旨吏部題補僉都御史姚締虞陞任員缺開列左
通政袁景星等

上曰府丞房廷禎為人頗優著補授僉都御史又
司道內陞開列布政使郎永清等

上曰着問九卿將清廉者舉出又正紅旗鑲白旗
漢軍員外郎缺出擬兵馬司指揮等官補用

上曰漢軍既有旗分員缺又補授漢缺人不敷用
漢舉人進士甚為壅塞不得補用漢軍既有外
任則在內漢缺漸行消完該旗員缺若無陞補
之人將外任漢軍補授亦無不可着傳諭九卿
又九卿詹事科道會議山西巡撫穆爾賽降
三級調用

上曰凡居官不善者應以所坐情罪明白糾舉嚴

加懲治穆爾賽居官不善猶言其不生事豈其
餘皆生事之人耶此事或着原恭之人指實陳
奏亦可凡議事須當秉公若滿洲偏向滿洲漢
人偏向漢人嗣後九卿何可信任溫代達爾布
因其貪汙已發往愛渾非但此兩人凡貪劣者
斷不可起着以此問九卿又兵部題補黑龍江
副都統雅齊納革職員缺開列侍郎阿蘭泰

等

上曰此缺着將本旗內壯健之人及右翼由部院
草職官員察明具奏又鑲紅旗漢軍副都統周
邦寧病故員缺開列侍郎教哈等

上問曰爾等之意若何明珠奏曰瓊州總兵官劉
成龍居官不善似應補授此缺

上曰然劉成龍不可久留外任着補授此缺又正

白旗解任漢軍副都統孫承祖員缺開列侍
郎鄂爾多等

上曰漢軍甚為衰靡此缺應以甚優之人補授因
停思少頃曰着以對秦補授又題補革職擬重

辟福州府副都統胡啟元員缺議政王貝勒
大臣會推京口正白旗協領祖光錫擬正鑲
黃旗叅領鄧之隆擬陪

上曰此二人俱屬庸常着另擬又刑部題殺張世
興父子三人張林等兩議

上問曰此事爾等以為何如明珠等奏曰臣等之
意此事前議照律後議原情若照律坐罪似
屬太過若原情定議又難行之久遠似應交
與九卿定議

上曰然爾等所議交與九卿甚當又經漕徐旭齡

報徐州等處水災

上曰今歲禾苗甚豐惟被水處田禾荒歉王熙奏
曰今歲苗禾實豐當此饒裕之年不可妄費
務宜積貯以備荒年

上曰然徐州等處州縣之民遭罹水災甚為可憫
着明悉傳諭使被災百姓勿致流離務令得所

本日

起居注官郭棻多奇

初五日壬戌早

上詣

太皇太后宮問安畢

御太和門視朝陞轉文武官負謝

恩次進貢喀爾喀部落巴圖爾台吉來使之納克

等厄爾德尼代青諾顏來使海拉圖桑圖等

鄂爾齊達喇庫圖克圖來使鄂穆博裕楚爾
等噶爾丹台吉來使顧魯習熙等厄爾克諾
顏來使喇什布和碩齊等行禮

賜茶畢回

宮中時

上復詣

太皇太后宮問安

本日

起居注官盧琦徐元夢

初六日癸亥辰時

上御乾清門聽政部院各衙門官負面奏畢大學

士覺羅勒德洪明珠王熙吳正治宋德宜學

士麻爾圖圖納席爾達吳興祖牛鈕王起元

丹代禪布徐乾學韓葵以折本請